



915360

Kat. Komp.

Mag. St. Dr.

III

16156



Compt





6.34  $\frac{1}{260}$   $\frac{1}{387}$   
CENTRUM

( $\frac{1}{2}$  XVII  $\frac{1}{507}$ ) GLORIÆ

Sub OSKIERKANÆ LUNÆ Concavo,

Ceu Luminum Patria

*f a m*

Ab Igneo inter nuptiales Thedas

JLLUSTRISSIMÆ OGINSKIANÆ DOMÛS NOMINE,

*f a m*

Ab ardentibus in Emerito humero Purpuris,

*f a m*

à Martijs Ignibus

R E P E R T U M.

Inter Connubialia verò Fœdera

JLLUSTRISSIMI DOMINI, DOMINI

RAPHAELIS ALOYSII

*In MIELESZKIEWICE MIELESZKO*

OSKIERKA,

MARESCHALLI Mozyrensis, CAPITANEI Bohrynoviensis &c:

JLLUSTRISSIMÆ DOMINÆ DOMINÆ

TERESSIÆ STANISLAÆ

*De KOZIELSK*

OGINSKA,

PALATINIDIS Vitebscensis

Palæmonico Orbi

I N D I C A T U M.

*ATQUE*

à Minima Soc: JESU

JLLUSTRISSIMORUM NEO-SPONSORUM GLORIÆ & HONORI DEVOTISSIMA

Encomiasticis Punctis

S I G N A T U M.

VILNÆ, Typis Sacræ Regiæ Majestatis Academicis Soc: JESU. Anno 1741.



In Avita Decora  
Utriusq;  
ILLUSTRISSIMÆ DOMUS.

945360 III



Jam conventa quis esse neget Sponsalia Pacta  
Arcus dum formam Porta Ducalis habet.  
Scilicet ut pendens in nubibus Iridis arcus,  
Sic Arcus Portæ fœdera certa notat.  
Quò tamen hic Arcus nisi LUNÆ tendit ad Orbem?  
Hanc illi metam fixit amicus Hymen  
Et bene! nam flammam spirans OGINSKIA Porta  
In LUNA Centrum debet habere Tua.

Bibl Jag

St. Br. 1997 D 1496/19(59)





Ad  
JLLUSTRISSIMUM  
M A R E S C H A L L U M.



*Non audent cum igne ,  
fortissima activitate præ-  
dito, reliqua de prima-  
tu certare elementa, imò  
etsi certarent, procul-  
dubio Terra suo ponde-  
re prostrata, herbam victrici porrigeret  
flammæ, Aqua fluctibus ripas arietans ,  
navalem cederet coronam, Aer alioquin  
liber in Triumpho captivus duceretur,  
solus Ignis alta utpote petens, Superior  
evaderet. Abjecta est nempe cæterorum  
Elementorum indoles, quibus nativa gra-  
vitas*



vitas alta sapere non permittit, uni solū  
modo Igni ad omnia summa nato, in sub-  
lime rapi, naturæ concessum est privilegio.  
Quid cœli fastigio, ima terræ stellis velut  
oculis despectante sublimius? Et illuc ta-  
men ascendit absq̃ scalis, evolat absq̃ alis,  
fertur absq̃ extrinseco impulsu, Celsissim⁹  
Elementorum Princeps Ignis. Abiit in  
montana, caput quondam Gygnantæa ex-  
tollens seditio, & Pelion imposuit Ossæ, ut  
rebelli feriret sydera vertice; At flamma  
sinè montium adminiculo, naturali quâdam  
extasi in cœlum rapitur, ex sublunari  
mundo in Lunarem Circulum velut in al-  
terum migrat Orbem, in quo destinatum  
sibi Centrum cum summo votorum quærit  
ardore. Cœlestem quodammodo beatitudi-  
nem suscitata in Terris ardent consequi  
Incendia, ubi in Lunæ Centro, medium  
tenere exambiunt cum Beatis. Quod si  
ad tam nobilem Terminum per Viam (ut  
ita dicam) Flamminiam incedens Elemen-  
talis pergit Flamma; Quidni etiam è Tul-  
liano



liano Flumine acsi è Fonte solis accensū  
Panegyristæ verbū ficut facula ad præ-  
fixum in Illustrissima OSKIERKARUM  
Luna Centrū Gloriæ, congenitō ignibus  
non feratur impetu. Non dolent se oleum  
et operam OSKIERKANIS impēdisse En-  
comiis Cleantæ Lucernæ, dum in Avitæ  
Lunæ semicirculo collimatam suis igniculis  
ut jaculis contingunt metam. Ardet in fer-  
ro manus etiamnū redivivo Scevolæ, Cha-  
racteristico nempe Gediminæ Universi-  
tatis Equitē, et manuali chalibe, Tibi Il-  
lustrissime MARESCHALLE! tanquam  
magnanimo OGINSKIANI cordis, inter  
Nuptialia fœdera Victori, triumphales ex-  
citāt ignes, qui designatum sub OSKIER-  
KANÆ Lunæ concavo Gloriæ centrum  
in Tui honoris tangunt Puncto. In conum  
acuitur, dum innatum suo appropinquandi  
Centro acuit appetitum, nullō satiabilis pa-  
bulō Ignei Elementi fames; Ast Ignatianæ  
scintillæ de accenso in Tua præconia Mi-  
nimæ Societatis corde, prorumpentes, dum



ad Centricum **OSKIERKANÆ** Cynthiæ feruntur  
 Circulum, in acumen desinunt Oratorium. Verum quid  
 sunt ipsa ignei calami acumina, nisi Rubus Ardens  
 nuptiali Jllustrissimi Hymenæi thedâ succensus, in quo  
 tot Palæmonica Numina, quod Jllustrissimorum **O-**  
**SKIERKARUM** nomina demissos in venerationem  
 incurrunt oculos. Amica silentij utut est, **OSKIER-**  
**KANA** Luna, permitte tamen Jllustrissime **MARE-**  
**SCHALLE** provolantes ex ignito Tullij eloquio scin-  
 tillas, in Tuo **MARESCHALCALI** arundineti  
 vocalius discurrere. In Igneis hîc lingvis periodicum  
 supra paginas descendit pneuma; absit ergo ut vocali e-  
 jusmodi Igne, tanquam Ephestioni silentium sponsali im-  
 ponas annulo. Erubescit profectò facundior hæc flamma,  
 mutam ad Ignes exhibere scenam; & quia latè domi-  
 nans Jllustrissima **OSKIERKARUM** DOMUS mi-  
 nistros suos facit ignem urentem (a) etiam fida ser-  
 monis Ministra, expressa nempe in Panegyricis folijs lite-  
 ra ardet; Ardet inquā, ut instar Cræsi (b) disertius inter  
 Ignes Te nostræ Patriæ proclamet Solonem. Pergite itaq;  
 ad Centrum **OSKIERKANÆ** Lunæ non elingves in  
 periodico discursu Flammæ! Pergite ad terminū Magnō  
**RAPHAELÆ** ceu Itinerantium Patronō tritam vobis  
 suarum laudum viam præmonstrante; Ipsis tamen Jllu-  
 strissimis **NEO-SPONSIS** nec metas rerum nec  
 Tempora ponite.

Ita precatur

**Devinctissimum MAGNIS NOMINIBUS**

Collegium Academicum Vilnense Soc: JESU.

(a) Psal: 103. (b) Cræsus devinctus ad rogam damnatus illas iden-  
 tidem ingeminabat voces: o Solon! Solon!





# PANEGYRIS.



**U**T Sphæram igneæ demonstra-  
ret activitatis, in Lunari Cir-  
culo ignibus domicilium fixit  
Xenophon; si tamen fixit &  
non potius finxit, non audet  
hac in causa patrocinari Tul-  
lius, verùm ad altius Aristote-  
lis forum id remittit decidendum. Ferat (ut pla-  
cet) suam in Philosophicis Thesibus Sententiam  
Judiciaria Stoæ Curia, triumphabit nihilominus  
Xenophon; Tuâ JLLUSTRISIME MARESCHAL-  
LE Cynthiâ litē dirimente. In Faciem OSKIER-  
KANÆ LUNÆ proculdubio resisteret, si quispi-  
am ab Illa æstuantem in JLLUSTRISSIMO OGIN-



SCIANO NOMINE separaret Ignem, quem ipsi  
inter Nuptialia fœdera superi conjunxere. Peren-  
nem itaq; in splendidissima OSKIERKARUM  
Phæbe tanquam in Patria Luminum reperit man-  
sionem fortunatus Incola OGINSCIANUS Ignis,  
totum OSKIERKANÆ Cynthiæ Orbem, citra  
Phaetontis casum accensurus in Amorem. Non  
ita tamen Angustis Limitibus Tuæ LUNÆ defini-  
tur Orbis, ut in ea præter OGINSCIANUM  
Ignem nulli alteri Flammæ locus standi relin-  
quatur. Quis enim ignoret Lunaris Tui Circuli  
centrum esse in Polono Polo ubiq;, circumferen-  
tiam nusquam. Innumerorum igitur Ignium  
capacissima est, Ignea Palæmonici Cœli sphaera,  
OSKIERKANÆ nimirum LUNÆ Orbita. Quot  
hic ceu in proprio Centro ad insomnes alioquin  
natæ vigiliæ quiescunt Flammæ, non jam vin-  
cit, sed obruit penè earundem tumultus specta-  
tricis pupillæ aciem. Verùm nè pluribus simul  
intentus Ignibus, minor sit in Oratoria periodo  
sensus, Juvat in hac Panegyri velut in *Numero-  
rum Libro* tendentium ad Centrum OSKIERKA-  
NÆ Phœbes Flammarum numerum per singula  
dividere puncta. Divisus quidem in funebri E-  
theoclis & Polliniciis pyra Ignis nondum extin-  
cta Fratrum demonstravit odia, hic tamen divi-  
dendæ punctationis Flammæ gratiam fortè in ge-  
minis Palæmonici Poli Oculis, binis nempe JL-  
LUSTRISSIMORUM OSKIERKARUM sideribus  
invenient.

IGNIS



# I G N I S

*In Jllustrissimo OGINSCIANO Nomine  
reducens ad repertum in Jllustrissima O-  
SKIERKARUM Luna Gloriae Cen-  
trum tendens. Atq; festivis Hy-  
menæi thedis auctus.*

**L**iquefcunt præ gaudio inftar Dedalæ pen-  
næ, etiam Tulliani calami, dum ardenti pro-  
ximo Ucalegoni, Igneo fcilicet JLLUSTRISSIMO-  
RUM OGINSCIORUM appropinquant Nomi-  
ni. Equidem nec prope accedere, nec longè ab  
hoc Igne fejungì, hærenti in primo dictionis  
paffu expediret Oratori, nè prope Flammas in-  
ftar temeri papilionis volatile ingenium circum-  
volitando, cujufpiam erga JLLUSTRISSIMAM O-  
GINSCIANAM DOMUM, irreverentiæ notam,  
Panegyricis inurat paginis, aut longè remoto pe-  
de, frigidam reddat orationem, cautè ergo Ora-  
torium accessum corrente calamo molire fvada;  
ne inter duo extrema verfando, five per exces-  
fum, five per defectum delinquas. Medium pro-  
inde tutiffima teneat, Panegyrica Eloquentia, non  
aliter enim ad præfixum finem, nifi adhibitis  
tenditur medijs. Finis certè ultimus noftrum  
Opus coronans funt coronata JLLUSTRISSIMI  
MARESCHALLI defideria, adefl jam Illi præ-  
tiosa Viri Corona JLLUSTRISSIMA NEO-SPONSA,  
C. hac



hac redimitus Hæres Angelici Nominis RAPHA-  
EL, ubi nam nisi inter *Thronos* est locandus.  
Quid hæres attonitis in flammeum Servij Tulli  
verticem defixa Oculis, caput Urbium Roma? (a)  
nimirum quod ei succensa portentoso Igne Cæ-  
saries, facem prætulit ad Coronam; Idem namq;  
nuptiales thedæ flammam ab Igneo JLLUSTRIS-  
SIMORUM OGINSIORUM derivantes Nomine  
luculentius præstitère. Vidit illas ad Corona-  
ria Hymenæi ferta prælucentes Palæmonicus Or-  
bis; vidit, & JLLUSTRISSIMAM ad præsens vitæ  
consortem inappretiabilem fore OSKIERKANI  
Capitis prævidit Coronam. Victimam igitur  
amoris sed coronatam, nemo esse JLLUSTRISSI-  
MUM ambigat MARESCHALLUM, qui instar holo-  
causti OGINSIANO ardet consumi totus in  
Igne. Quanta putatis non jam in Apollineis chor-  
dis, verum in fæderatis per Sponsalia pacta cor-  
dibus, hic mutux concordix resonabit harmo-  
nia; Certè si ex uno ad alia & alia Romanæ Ur-  
bis tecta saltum agentibus flammis, bustuariâ  
cytharâ coronatus alluserit Incendiarius Nero,  
quidni etiam ardente inversâ Româ, sociali vi-  
delicet conjunctæ utriusq; JLLUSTRISSIMÆ Domûs  
amore, semel inviolabili nexu obstricta conju-  
galis fides gratissimum non edat virtutis con-  
centum, Exules nimirum aliunde virtutes dulcem  
sux Patriæ fumum, in Sponsalibus JLLUSTRIS-  
SIMI Architalassij facibus invenère. Nil hic itaq;  
in

(a) Livius lib: 2do.



in efformata ad totius Orbis gustum svavissima  
 utriusq; JLLUSTRISSIMÆ Partis indole inconditū,  
 nil in moribus crudum; Adeo omnem excoxe-  
 runt cruditatem hinc immortales Cœlorum I-  
 gnes, gemina scilicet JLLUSTRISSIMORUM O-  
 SKIERKARUM Sydera, illinc cognata OGIN-  
 SCIANÆ Domui Flamma. Nunc devenimus  
 magna JLLUSTRISSIMORUM NEO-SPONSORUM  
 Nomina Paranimphō prope Numine in *unum*  
*cor & animam unam* usq; ad extremam à corpore  
 divisionem coaluisse; In quibus par probitas, par  
 Generis splendor, par fortuna, evidens peren-  
 naturæ gloriæ argumentum ab omnimoda de-  
 ducunt paritate. Scilicet non sola in flore huc-  
 usq; vicens liliata Gallia, verum etiam fulciens  
 Avitis olim columnis Sarmaticum Cœlum, Lit-  
 vania, (a) habet suos Pares; seu grandes in illis  
 titulos, seu conjugales respicias Thalamos. Cre-  
 dite mortales non tantum filius incendij cinis,  
 verum & Ignis æquat omnes. Testem do inge-  
 nitam OGINSKIANÆ Domui Flammam, an e-  
 nim Illa ad octavum usq; (non dico caloris) sed  
 meridiani honoris ascendens gradum, quenquam  
 ex Litvaniæ non adæquavit Grandibus; cui in  
 Alimentum Senatorij cedunt Fasces, nè deficiat,  
 cui faventis Fortunæ aspirant Favonij nè unquam  
 vel in ultima Domûs suæ extingvatur scintilla.  
 Utrum everfor Urbium Ignis aurea Neroni post  
 incendium condiderit Palatia nolo de historica



Svetonij fide inutilem suscitare controversiam;  
illud profecto nullatenus in suspenso tenent, asve-  
ta figuratis suspensionibus Rhetorum judicia;  
quòd insita JLLUSTRISSIMÆ OGINSIORUM  
Propagini flamma, an veriùs auriflamma auream  
eorundem, quia *Aureis Patrum niveisq; moribus di-*  
*tatam*, reddiderit Domum. Minus illa tamen o-  
peræ pretium impendisset in deauranda JLLU-  
STRISSIMA DOMO, nisi etiam Avitam Ejus *Auream*  
*efficeret Portam*, quæ tunc plane *Annum gratiæ*  
Sponso diei JLLUSTRISSIMO aperuit MARESCHAL-  
LO, cùm ad primum instantium votorum patuit  
pulsus. Rapuit quondam abeunte in direptio-  
nem Trojâ sacros ex Igne Penates eliminatus  
Patrio climate Æneas, at Tibi JLLUSTRISSIME  
MARESCHALLE. JLLUSTRISSIMUS MARCIANUS  
*de Kozielsk* OGINSKI Lechici Senatûs à senio  
nomen trahentis Nestor; quot JLLUSTRISSIMO-  
rum Pignorum, tot *Luminum Pater*, venerandos  
Avitæ Portæ Lares ex nominali sua Flamma ul-  
tro in OSKIERKANAM permisit transferre  
Domum. Post Characteristicos Penates, an-  
nuente magno Litvaniæ Capite JLLUSTRISSIMO  
videlicet Progenitore, sequitur per medios Nu-  
ptialium Thedarum Ignes Te JLLUSTRISSIME MA-  
RESCHALLE, ceu suum Æneam Creusa, JLLUSTRIS-  
SIMA de OGINSKIIS TEREZIA individua  
vitæ socia; sequitur inquam comite oris Gra-  
tiâ, Duce Fortuna Ducali, triumphalem Augen-

te



te Pompam JLLUSTRISSIMORUM Fratrum Quin-  
 queviratu. Discute JLLUSTRISSE MARESCHAL-  
 LE non ita pridem Litvanæ Themidis in Tribu-  
 nalitio Arcopago admotus bilanci; discute (ob-  
 secro) maturo iudicio varia JLLUSTRISSIMORUM  
 Fratrum, teneræ propensionis documenta in gra-  
 tiam JLLUSTRISSIMÆ NEO-SPONSÆ exhibita.  
 Hic in ordinata Tuorum Astrorum Acie peren-  
 nia amoris figit Castra Magnus M. D. L. Ca-  
 strorum Præfectus JLLUSTRISSIMUS IGNATIUS  
 OGINSKI ut ab improvisa fatorum incursione  
 tutum JLLUSTRISSIMÆ Sorori provideat recepta-  
 culum; Illic inter Ignatianos Ignes ardens Sera-  
 phim, Franciscus verè Seraphicus, an veriùs pro-  
 pter Doctorales laureas, eximiam ipso sonans e-  
 thimo doctrinam Cherub in Ecclesiasticis Exe-  
 dris flammeum verbi Divini ad OGINSCIA-  
 NAM PORTAM rotat gladium, quò divisos *pro-*  
*positionis panes*, reproducto Macedonum more (a)  
 Jllustrissimis NEO-SPONSIS libat. Paribus  
 certat officiis amplissimum nacta benemerendi  
 campum, reliqua Fraternali Linæ conscia Jllu-  
 strissimorum OGINSCIORUM manus, fausta  
 designat Nuptialia fœdera, memorem æterni pa-  
 cti Iridem suo præferens in Nomine Jllustrissimo  
 CASIMIRUS Capitaneus Przewalscensis. Pro-  
 scribit Notariâ pennâ desperatas fortunæ vices,  
 magna spes Patriæ, olim per Ducalem OGINSCI-  
 ANAM Domum defendendæ, Jllustrissimus  
 D THAD-

(a) Macedones divisum gladio panem libabant Neo-Sponsis Curt: lib: 8.



**THADDÆUS** Notarius **M. D. L.** Evocat inter  
 festivas acclamationes omnem de **Coelo** favorem  
 vox *Fraterni Sanguinis* in **Jllustrissimo STANI-**  
**SLAO** Castellano **Vitebscensi**. En quanti ceu  
 de **Ignitis Vesuviis**, **bicollibus** nempe **Fraternis**  
**cordibus** promicant **votorum Igniculi**, æternum  
 sanè hic **Ignis** meretur *gloriæ pondus* in **OSKIER-**  
**KANÆ LUNÆ** **femiculo** velut in **balance** (a)  
 appensus, **Date** manibus **plausum** **scriptorij En-**  
**comiastarum** **digiti**! **Jam** tandem **Jllustrissimi**  
**Fratres** *cum Lucerna corporis sui* **perspicaci** nem-  
 pe **oculo** **Hominem** **supra homines**, **Jllustrissimum**  
 invenere **OSKIERKA** ab ipso etiam **requiren-**  
 dum **Diogene**; **dignum** cui licet cum **anhelis**  
 non **tardanti** **desiderijs** **Os** de **OGINSCIANIS**  
**Offibus** **Jllustrissima TERESSIA** in **Conjugalis**  
**vitæ** **cederet** **portionem**. **Abstrusam** de **extincti**  
**Leonis** **ossibus** **posse** **elici** **flammam**, **curiosi** **natu-**  
**ræ** **affirmant** **exploratores**, o **quantas** ex **Jllustrif-**  
**sima NEO-SPONSA** **tanquam** **OGINSCIANO**  
**Osse** **eliciendas** **OSKIERKANÆ** **Domûs** **scintil-**  
**las** **ominari** **licet**. **Edet** in **Lucem** **hæc** **fortuna-**  
**tior** **Hecuba**, **tot** **faces** **belli**, **quot** **filios** **pro** **Pa-**  
**triiis** **aris** & **focis** **ad** **prælia** **accensos**. **Desumet**  
 ab **Illa** **maius** in **Palæmonico** **Orbe** **Lumen** **fax**  
*mentis honestæ* **OSKIERKANA** **gloria** **quæ** **immen-**  
**sum** **calcar** **magno** **etiam** **nostri** **sæculi** **addidit** **A-**  
**LOYSIO**, **ut** **quantocius** **ad** **ineundum** **cum** **O-**  
**GINSCIANA** **profapia** **explicitû** **connubiale** **pro-**  
 peraret.

(a) Pondera mihi pondus Ignis. *Esdæ lib: 4. c. 4.*



peraret pactū. Sed jam Illustrissime MARESCHAL-  
LE *omnis* est Tibi in OGINSCIANÆ PORTÆ  
*Limine Portus*, quō Te LUNÆ semicirculus nau-  
ticæ non absimilis cymbæ per rubrum Illustris-  
simi Tui Sangvinis provexit mare: Huc Tibi  
loco præducis Cynosuræ rectam in bivio voto-  
rum viam ipsæ monstrârunt Avitæ Stellæ; huc  
arrepto cursui flammeum OGINSCIANUM A-  
gnomen, tanquam Ptolomæa præluxit Pharos.  
Tenes tandem votorum summam, in prædita tot  
Fortunæ & gratiæ dotibus Illustrissima TERES-  
SIA; nec mirū ita enim rarō dexteritatis mi-  
raculō Cor TERESSIÆ innocenti amore, An-  
gele Patriarum legum Custos RAPHAEL vul-  
nerâsti, ut sic vulnerato Ejus animo nil arri-  
deat nisi *DEI medicina*. Spondet incolumitatem  
nunquam emorituræ OGINSCIANÆ DOMUI  
hæc ethimologica medicina nec affine Ignibus  
Illius nomen, in mortualem finet desinere ci-  
nerem. Addet Ignibus Ignes, Fontes utriusq;  
Illustrissimi sangvinis coronans annularis Orbita,  
ut enim in Regio Francisci Galliarum Monar-  
chæ, sic in sponsali Annulo artificiale Cœlum  
OSKIERKANIS Illustratum Sideribus, novus  
Archimedes Archi-Talassius fabricavit, unde absq;  
attentato Promethei nisu, mutui affectus flami-  
mam, desponsatæ concipiunt mentes. Concepit  
hæc incendia tota quoq; OGINSCIANA DOMUS,  
tamdiu erumpentibus de corde flammis, ad Cen-



trum in OSKIERKANÆ Cynthiæ concavo  
situm eluctatura, quamdiu Tu moribus Angele  
RAPHAEL, velut. *Intelligentia motrix* Avitam  
LUNAM in Cœlo nobilium Polonia ad augem  
gloriæ promovebis.

## I G N I S

*Ab ardentibus in emerito humero Pur-*  
*puris promicans, atq; in Avitis Colligata-*  
*rum Prosapiarum ceris accensus ad Avi-*  
*tam Illustrissimorum OSKIERKA-*  
*RUM Lunam, tanquam ad Nati-*  
*vam tendens Patriam.*

**I**Nvasit, nec tamen ullum sui vestigium in Pa-  
ludata Tyberij reliquit veste prodigiosè su-  
scitatus ignis, aut dedignatus lautissimam Tinea-  
rum portionem imperialem videlicet consumere  
Togam, aut non ausus Regium lædere Palu-  
damentum, nè crimen læsæ incurreret Maiesta-  
tis. Ardent in OSKIERKANIS etiam humeris  
concolores flammis Senatoriæ Purpuræ, ipsâ Il-  
lustrissimæ Familiæ Arbore ejusmodi Ignes fo-  
vente & alente. Si quæris unde tantum non  
sine meritorum fomite conceperint incendium?  
Converte visualem radium ad Regnorum soles  
Sarmaticos inquam Reges, qui dum respectum  
OSKIER-



OSKIERKANÆ Domûs habent, per liquidam  
Regalis Oculi cristallum tanquam per vitrum  
ustivum, Patritias in Ea accendunt Purpuras.  
Nemo jam miretur fumosas Illustrissimorum O-  
SKIERKANÆ Familiæ Aboriginum Imagines;  
Igneus namq; Trabæ color, dulci illas suæ Pa-  
triæ tinxit fumo. Cautè hic sepulchralem Majo-  
rum pulverem Panegyricæ ventilate pennæ, la-  
tent adhuc sub mortuali cinere relictî à Flam-  
meo murice Ignes, fulgent in Purpuris etiam  
post funebres rogos BASILIUS in *Mieleszkowice*  
*Mieleszko* OSKIERKA Czernichoviensis  
BOHDANUS Smolenscensis, Palatini, uterq;  
in Lechico Senatu flammam æmulanti Patritiæ  
chlamidi oleum affundens sapientiæ. Flamme-  
scere alij obscurioris Lucinæ Filii in Tyrijs ex-  
ambiunt Purpuris, ut vel sic in purpuratis I-  
gnibus à rubigine perpoliant Familias; verùm  
OSKIERKANA DOMUS aurum optimum in eru-  
ditis nacta capitibus, aurea est proculdubio, ut  
pote in ignito murice velut in Igne probata.  
Non ex parva equidem scintilla tantum purpu-  
rati honoris erupit incendium, ipso namq; cæ-  
pit ab incendio Illustrissima OSKIERKANA Fa-  
milia; pervigiles Coeli Ignes, coætaneas nempe  
suæ Domui stellas, sortita pro Stemmata. Cadent  
olim imminentem extremi Judicii prænuntiati-  
ra cadentiam sidera, ceciderunt è Sarmatico cœ-  
lo in OSKIERKANAS quoq; ceras Palæmoni-  
E cum



cum Orbem sui in amore accensuræ stellæ, an  
verius diem Judicii promulgaturæ dignis Libro  
intaminatorum Judicum SAMUELI & MICHA-  
ELI OSKIERKA Judicibus Terrestribus Mo-  
zyrensis; vigilavit pro integritate Legum, e-  
tiam noctes Judiciario consecrans Arcopago, tam  
ad vocem DEI, quàm ad vocem populi excitatæ  
indolis SAMUEL, certavit pro justitia jure gla-  
dij armatus MICHAEL, uterq; exuli de Ter-  
ris Astreæ juridicam reinductionem cum pleno  
adjudicavit jure. Nec tantùm humectans in ju-  
riatorum genas lachryma ante Judiciarias O-  
SKIERKARUM stellas veluti ante sidereos sic-  
cabatur Ignis, verùm ipsæ etiam injuriæ Nota-  
riis CYPRIANI calamis è Mozyrensi proscribe-  
bantur Territorio. Posuere involantibus in ali-  
enam messem litibus terminales limites JERE-  
MIAS Polocensis THADDÆUS Mozyrensis  
Succamerarii. Solidavit contra omnes casus pro-  
ximam ruinæ Sarmaticam Troiam Fulcrum Pa-  
triæ CYPRIANUS OSKIERKA Mareschalcali  
Terræ Mozyrensis suffultus scipione, utq; Tibi  
Illustrissime MARESCHALLE tradita lampade ad  
Supremos præluceret honores, ipse tot clarus  
meritis *in columna* quodammodo Ignis suis præi-  
vit nepotibus. Quò tandem modò GEORGI-  
UM mortuali licet oppressum lapide, immorta-  
li tamen dignum memoriâ deprædicem. Dapi-  
fer ille Mozyrensis nil nisi *Grandium Cibus* præ-  
para-



paratam scilicet ad gustum Senatorii honoris portionem suo Magnæ spei Filio, Tuo verò Illustrissimo Progenitori pollicebatur. Respondit paternæ expectationi non diu expectata ad Trabeatos honores provectio, Illustrissimi ANTONIJ NICOLAI *Mieleſzko* OSKIERKA, cui ad Notarias M. D. L. pennas deinde ad Castellanos fasces Marechalcalis præcursores egit Scipio. Generalem sibi quodam modo congressum, certatim concurrentes indixere honores, ut toties erudito uncta sudore coronarent ANTONIJ merita. Evasit clarior ab OSKIERKANA LUNA, umbra virtutis honor, dum præinventam in NICOLAJ Nomine Jeonem adumbravit; Notarias Illi alas amor addidit Patriæ, ut bonis avibus ad Suprema dignitatum evolare fastigia; inter Palæmonica tandem primæ magnitudinis cooptatus Luminaria, arsit in Purpura, Senatui Lumen suis consiliis, sibi verò semper in publico sole versanti, meridiem accendens honorum. Efferbuit vehementiùs à Trabeatis Jgnibus nunquam refrigescens in ANTONIO boni publici amor, incaluit singularum virtutum fervor, flagrabat ad largiendum profusa in superiores dextera: victas dedere characteristicas manus, Fundatoriis impletas gratiis, Seraphici Patris Filii, quos sibi perpetuis devinxit beneficiis Victor populi NICOLAUS. Excrevit ad justam magnitudinem Minorum Ordo, cui pri-



mum Slucciæ jecit Lapidem ANTONIUS, nun-  
quàm suæ Liberalitati terminalem, ut inter ace-  
phalas hæreses caput erigeret Orthodoxa Reli-  
gio. Excitet Illi aram gratitudinis, tanquam  
amico Cœlitibus usq; ad aras, & pro votivo a-  
nathemate Tabulas cordis Seraphica appendat  
Familia; nos verò Tullianam Orationem velut  
incensum dirigimus ut magno Patriæ Litemus  
Statori. Verum jam satis mortuali concreta ge-  
lu ac simul Senatorio murice ardentia OSRIER-  
KARUM Mausolæa, Nuptialibus magis Epi-  
talamiis, quàm funebribus Epitaphiis conveni-  
entior visitasti svada! In publico Laudum O-  
SKIERKARUM sacrificio etiam vivorum me-  
mento. Omnem pœnè ingenij concoquit Tullius  
substantiam in encomia Mozyrensis Dapiferi  
FRANCISCI OSKIERKA. Salesius hic est  
certè Franciscus, si Atticos Ejus gustes sales, Se-  
raphicus si ardentem pro Patria respicias zelum,  
conscriptus Pater, si ad tot magnæ expectationis  
attendas Filios, nec ipsi maiestas Oris, nec Co-  
ronæ Patris desunt Filii. Corona est profecto de  
Lapide pretioso HIERONYMUS Cleri Splen-  
dor, IGNATIUS Clarissimæ ab avita Face DO-  
MINICI Familiæ Lumen, ANTONIUS MI-  
CHAEL & NICOLAUS, non postremi in O-  
SKIERKANÆ Familiæ Albo Gloriæ Candita-  
ti. Ad mare jam oratorij redeunt fontes, unde  
pro-



profluxerunt, ad Te scilicet Illustrissime Mare-  
schalle OSKIERKANARUM Stellarū Phospho-  
re in Publicis Sarmatiæ Consiliis, Angele Ma-  
gne consilii RAPHAEL, Regalis brachij toties  
dextera, prope manus ubi Mareschaleali insi-  
gnitus Virgâ solis eam Justiniani foliis floren-  
tem effecisti, ubi de Palæmonici Thesauri in-  
demnitate sollicitus, pretium Tui non vile la-  
boris reliquisti; Quantum à Te Illustrissime RA-  
PHAEL utpote Angelo lucis pollicetur sibi glo-  
riæ lumen Patria; dum in Templo honoris in-  
ter magna Litvaniæ computaberis Numina, dum  
vernantibus in ipso ætatis Tux vere roseis palu-  
datus Purpuris, vigentem in flore OSKIERKA-  
NÆ Familiæ demonstrabis arborem. Jam Se-  
natorij fasces acsi de vocali Dodonæo nemore  
essent decerpti pro Tua perorant Domo, Jam  
Patritia Dibapha, Igni quoad nativum non di-  
spar colorem, ornandi Tui inflammatur studio,  
nihilq; jam Tibi viâ Patrum restat incedenti,  
nisi ut per latum Clavum veteri Candidatorum  
Principum Poloniæ more ad metam votorum  
contendas; Non recedent à Paternis vestigiis  
*Viâ Illuminativâ* quia ab Avitis illuminata Astris,  
ituri ad honores Filii Lucis ANTONIUS &  
JOANNES, spectabit in Jllis Palæmonia vivas  
Patris Imágenes, Trabeata non nisi cynnabari  
colorandas. Si talia de Filiis, qualia de Illu-  
strissimis Tuis Fratribus è tribus digitis in en-

Familia comia



comia defudantibus velut è delphico Tripode  
promanata licebit formare auguria, Tenebit pro-  
culdubio frontem inter honorata capita Illu-  
strissimus **GERVASIUS LUDOVICUS O-**  
**SKIERKA** Capitaneus Mozyrensis toties in Ge-  
neralibus Regni Comitibus, Civium pectora ut  
Sparthæ muros admoto rationum ariete expu-  
gnans Cyneas, sed neq; à præcellis magni Pro-  
genitoris cogitationibus, excelsæ mentis degene-  
rabunt Filii **ANTONIUS CAROLUS LUDO-**  
**VICUS & JGNATIUS**, evehentur in altum, tum  
à generis magnitudine tum à sublimi Paternæ  
Purpuræ colore, verè *filiis Excelsis*, Illustrissimi  
**STEPHANUS MARTINUS BOGUSLAUS**  
**& CASIMIRUS**, Teq; Illustrissime Marechalle  
ad honores præeuntem magnis assequuntur pas-  
sibus. Attigerunt demum metam per invia &  
devia sine Rhetorica lege vagantes periodi, &  
amisso Allegorico filo, vix è perplexo Orationis  
Labirintho in apertum eluctantur campum. Ad  
Jgnem ergo iterum in ardentibus **OSKIERKA-**  
**RUM** relucens Trabeis redit vel ideo infi-  
pida, quia toties ad flammam cramben recoquens  
Oratoria dictio, ne ab incendio coepta in tem-  
pestate fortè desinat. Salve o splendida Jgni-  
um Patria: **OSKIERKANA LUNA** faventis for-  
tunæ Cornucopiâ dives, in qua pridem Lucem  
habitant inaccessibilem Jgnæ Aboriginum **O-**  
**SKIERKARUM** Purpuræ, Addet tamen adhuc  
Jgni-



Ignibus Ignes ad assequenda dignitatum culmina sese invicem accendens Illustrissima OSKIERKARUM Propago, nec Lethæis unquam limphis, trabeatam permittet suffocari flammam. Illuminant pariter Avitis ceris OSKIERKANAM Cynthiam suo quantumvis divitem Lumine, etiam Serenissima SOBIESCIORUM, Illustrissima verò TYZENHAUZORUM, BRZOSTOWSCIORUM, TYSZKIEWICIORUM, DONHOFFORUM, WOŁLOWICIORUM, KOŁĘDOVIORUM, SZYRWINSCIORUM, OBORSCIORUM, GRABOWSCIORUM, CHALECCIORUM, NIEZABITOWSCIORUM, KRASINSCIORUM, SOŁŁOHUBORUM, PODBIPIĘTARUM, KARĘGARUM, KORSAKORUM, JELENSCIORUM, WOLBEKORUM, PAKOSZORUM, RYBINSCIORUM, STECCIORUM, OŁĘDZCIORUM, CEDROWSCIORUM, BUŁHARYNORUM, BOGUSZORUM, SKIRSCIORUM, NIEPOKOYCZYCCYORUM, SINIECCIORUM, MACKIEWICCIORUM Nomina, Patriam Luminum in Marechalcali LUNA Ardentes coram fumosis Illustrissimorum OSKIERKARUM Imaginibus, Illustrissimæ Colligatarum Familiarum invenistis Ceræ Centrum, hic vos in Puncto tangite, Orator Punctum ponet dictioni.

IGNIS



# IGNES MARTII

*Ab Ardenti pro Patria Illustrissimorum OSKIERKARUM zelo per varias bucusq; circumlati Terras, nunc vero in Avita Luna terminale Centrum sortiti.*

**M**Artios Illustrissimorum OSKIERKARUM Ignēs, nullā hostilis unquam sanguinis procellā suffocatos alere non siccā laudum aggre-  
dimur materiā, Intaminatis hisce paginis Vestalium munia obituris, quamvis sat alimentis istis  
Bellonæ flammis præbuerunt incensæ hostiles  
Trojæ, Avito Litvanæ sonipede, velut Trojanō  
Equo, ubiq; clades, ubiq; incendia Urbibus inve-  
hente. Carbones desolatorios supra incineratos  
æmulæ Carthaginis arces, toties fax belli reliquit,  
quoties illam OSKIERKANA circumtulit mā-  
nus, minax in hostes, Patriam non levi sustentans  
brachio. Inaudito quondam stratagemati dolo-  
fas adhibuit vulpes, natus ad fortia Samson,  
ut inimicas in pabulum igni daret fegetes; at  
Palæmonicus Orbis Illustrissimos OSKIERKAS  
ceu Leones ignem spirantes in Cadmæam sæpe-  
numero fegetem & manipulares adversariorum  
immisit copias, ubi missiles Gradivi ignes spar-  
gerent, incenderent, in mortualem deniq; ci-  
nerem



nerem adversas acies reducerent. Exarsit bellum à militari flammula Illustrissimi Vexilliferi Polocensis **SIMONIS OSKIERKA** qui illatis Gradivi ignibus, *pœnam sensus* non semel de consanguineis Tartaro Scythicis sumpsit phalangibus. (a) Sensere & tumultuariæ Orientalium copię Martem accendi Gregoriano cantu, dum **GREGORIUS OSKIERKA** sub Sceptris **AUGUSTI & STEPHANI BATORRI** Sarmatiæ Regum Ductor Cohortium (b) arma virumq; caneret hostilium non nisi cantator funerum. Vos testor conscij Polocenses campi, nonne vestram herbam victoriosis **GREGORII** passibus sæpius porrexere fugientes ex corpore, ne dicam ex præliari arena, Barbarorum animæ. Exundavit Rosiaci Martis torrens Regium **BATORÆI** Tridentem absorbere paratus; sic exundanti malorum fonti, terminum ut Lycō flumini Thaumaturgus Palæmonia **GREGORIUS** deprompta è Pharetris lethali præfixit arundine. Quin etiam montes **BATOREANI** ad nutum **GREGORII**, non jam metaphoram fecere, sed in hyperbolen quandam excrevere, ut Orientales Encelados instar Ætnæ obruerent. Tangebant quidem ea rerum tempestate, sublimes hosce fulmina montes, de Polocensibus evibrata propugnaculis, non diu tamen fictitius Jupiter, novus Orientis Salmoneus fulminavit, brevi illum

**G**

in-

(a) Koiałowicz.

(b) Idem in Stemmatis descripte Ductis Cunicularis Moschos involvit.



inermem reddidit armata OSKIERKANA fortitudo (a) quàm primùm bellica tormenta cum ingenti hostium præripuit tortura. Dicite in oblivione magis quàm in tumulis sepulti Rossiaci manes ! quomodo è vestris subductæ manibus reboantes machinæ velut Perillos sui excrucia-  
verint tauri, quomodo vosmetipsos præclaros veluti custodes ovium Litvanicis inhiantes rapinis, proprii in Sarmatica à GREGORIO coacti castra bellici impugnabant arietes. Par fortitudinis argumentum, armatos convincens Barbaros ad Ulam OSKIERKANUS exhibuit gladius. Fluxæ alias fidei Elementum aqua, fidelis ibi succollatoris obiit vices GREGORIO, sustinuit injectam suo tergo onerariam, subductis ex hostico æneis fistulis gravem, quibus in militaria organa dispositis, exequias incluso Ulæ Srebrnio lusit Mavors Polonus. (b) Argenteis alicubi pugnavit hastis Philippus, & vicit; hic neq; argenteum Srebrnij nomen quidquam Orientalibus contulit ad triumphum. Quanto minore pretio, quam olim coronato Macedoni constitit ad Ulam GREGORIO victoria, hanc ille pro aureo asello, Iste pro uno argenteo: perempto nempe emit Srebrnio. Pretiosa interrim morte mortuus est Srebrnius, dabant pretium impressæ argenteo homini lethales plagæ.

De

(a) Tormentis Moschum exuit. (b) Srebrny Ducem Mosch: Ulæ clausum expugnavit submissis suis nocte per Dunam militibus.



De naulo Charonti persolvendo abijce curam  
Srebrni, ipse utiq; es argenteus. Examinauit  
hoc argentum Martiis ignibus OSKIERKA;  
verum ceu nullius pretij reprobavit; quid enim  
valet argentea vagina cum plumbeo gladio?  
quid pretiosum Srebrnij agnomen cum vilissi-  
mo ejus genio? Titulum tantum ( ut video )  
Srebrnius non naturam argenti habuit; quâ si  
polleret, certè simpatico more OSKIERKA-  
NAM LUNAM sequeretur non persequeretur.  
Parem cum Triumphatore GREGORIO mere-  
tur oratoriæ lingvæ Lauream, SAMUEL O-  
SKIERKA, Colonellus S. R. M. qui Militari  
lorica pro cassibus usus, hostiles non semel ir-  
retiit Aquilas. Scitè hic in Toga Notarias, in  
Sago militares alas tractare novit, utrobiq; No-  
tarius; illic in facie paginæ, alibi in facie hosti-  
um perennatuos ferreo stylo exaravit caracte-  
res, verè ut Romanum Capitolium, sic caput Le-  
chici Orbis JOANNEM CASIMIRUM, Nota-  
riæ SAMUELIS manui concrediti scriptorij  
defenderunt Anferes. O quot inter Silentium  
umbras hostiles concurrant animæ, quibus O-  
SKIERKA nobiliore causa victor, perpetuum  
apud Inferos indixit silentium. Litem movit  
communi motu, contra Sarmaticum Jovem ex-  
pedita Cosatica Gigantonomachia; sed à SA-  
MUELE in ore gladii Regiis partibus patro-  
cinante, de crimine læsæ Majestatis convicta,  
G 2 apud



apud Radamantum causam dicere est coacta. Tuo pessimo malo impar viribus Ukrainensis Dares Palæmonicum provocasti Entellum, tantam temeritatem capite luiturus. (a) Torquebat tamen. ( ut candidè fateamur ) ipsa Poloniæ viscera, insana Cofatici fæx populi; quærebat à bellico incendio famam ad Białacerkiew velut ad Templum Dianæ Zaporoviensis Herostratus. Adfuere in tempore JANNUSSIUS RADIVILLIUS & SAMUEL OSKIERKA duo fulmina belli, contra rebelles fulminatura Gigantas. Quid frustra contra Torrentem è Tua cervice latè effusum obstinata in armis niteris rebellio? Duobus ejusmodi Heroibus nec Hercules sufficisset, nondiu utiq; primum sustinuerunt impetum, campo & vita decedentes animæ, brevi in æternam clauferunt lumina noctem inquieti Cofacorum animi, Lethæo sopori favente OSKIERKA LUNA. Spectavit Biała-Cerkiew, spectasset si commodè potuisset etiam tota Ecclesia istam heterodoxis Ukrainensibus illatam eladem. Non minori strage, ptofligata seditionum capita ad Turoviam & ad Pinscum cadere sibi in venerationem coegit, (b) Victor ubiq; SAMUEL. Quot ibi & quanta messem nunc gloriæ colligens OSKIERKA, plebeis Cofacorum corporibus inarasti vulnera? ut se Agri-

(a) Cum JANUSSIO RADIVILLIO Cofacos delevit. *Kojałowicz.*

(b) 1660. Pinsci, Turoviæ Cofacos rebelles ferro domuit Curanum Ducem eorum membratim concidi jussit. *Kojałowicz.*



Agricolas non Marticolas fuisse meminissent.  
 Quid memorem æternâ dignum oblivione Ku-  
 ranum Ukrainensium prædonum coryphæum  
 Tuo edicto membratim vel ideo dissectum, ut  
 in eo schismaticæ sectæ notares vestigia. Vi-  
 ctoriarum cursum non stitit impigro ad omnia  
 fortia SAMUELI etiam Balthicus in via Leo, Jam  
 prope singula Poloniæ oppida, Balthicorum e-  
 rant *Leonum cubilia*, ubi prædator Svecus, deplu-  
 mato Polono alite molliter cubabat, quiescebat,  
 victorias nonnisi somniabat. Excussit hosti som-  
 num, illato Martis igne SAMUEL; imò veri-  
 us novus hic Epaminondas, quem dormientem  
 reperit, dormientem etiam post propinatum le-  
 thale reliquit soporiferum. Sic Ducale Mirum  
 (a) sic Nove-Miaſto, OSKIERKANA virtute  
 expugnatum, murum amplius Gothico non dedit  
 sceleri. Multum quoq; debet SAMUELI Nesvi-  
 sium, nidus ille RADIVILLIANARUM Aquilarum con-  
 tra Sveticos propugnatus bubones; multum Sluc-  
 cia; multum deniq; Podlachia, contra rugientes  
 Balthicos Leones & ad prædā paratos à Palæmoni-  
 co Hercule OSKIERKA defensa. Post edomi-  
 tas Nemæas (ut ita dicam) feras, in minorem  
 Orbis Hydram bicipitem nempe Orientalium A-  
 quilam, idem Alcides ferro & igne deseviit. Fal-  
 lor! non Alcidas sed Achillem dicere debue-  
 ram

(a) Mir recepit Svecis. Nesvisium defendit ab iisdem ac Sluciam, in  
 Podlachia Samogitia Svecorum Officiales plurimos captivavit. In  
 Prussia Nove-Miaſto recepit.



ram, qui ad Prostkos non nisi in pede vulnera-  
riab hoste potuit. (a) In OSKIERKANA sci-  
licet tibia ludere voluit de victoria redivivus  
Marfias Rossus, non pelle, sed anima à Victo-  
re Litvano exercitu spoliatus, melius suis pro-  
specturus rebus, si tempestivè receptui cecinif-  
set, cecinit itaq; Polonia Triumphale carmen  
sed non sine SAMUELIS pede adversis appe-  
tito jaculis, aluit non excisis de sylva arboribus,  
sed vulneratâ OSKIERKANA plantâ Trium-  
phales ignes; Qui dum hodie in Avita JLLU-  
STRISIMI MARESCHALLI LUNA Centrum  
Gloriæ inveniunt, confines Sarmatiæ monent  
gentes, nè Martios JLLUSTRISIMORUM OSKIER-  
KARUM ignes temerario audeant fodere gladio.

(a) 1656. In conspectu ad Prostkos victor vulneratus in pede. *Kojałowicz.*





Biblioteka Jagiellońska



stdr0025406



